

Dt: 15.10.2019

**STATUTI I SHOQERISE TREGETARE ME PERGJEGJESI TE KUFIZUAR  
" GlobAd" sh.p.k.**

**KREU I  
DISPOZITA TE PERGJITHSHME**

**NENI 1**

Në bazë të ligjit nr.9723, datë 03.05.2007 " Për Qendrën Kombëtare të Regjistrimit" dhe ligjit nr.9901 datë 14.04.2008 "Për Tregëtarët dhe Shoqëritë Tregëtare", me vullnetin e tyre të lirë, ortaku

**Brian Selenica**, i biri i Geront dhe Evis, i datëlindjes 03.12.1993, lindur në Selanik, Greqi, me banim në Rr. Abdi Toptani, Torre Drini, Apt. 142, Tirane, me nr. leternjoftimi 031826452;

si themelues te kësaj Shoqërie me Përgjegjësi të kufizuar, vendosi të hartojnë këtë Statut, mbështetur në parimet e mëposhtëme:

**KREU II**

**EMRI, STATUTI, SELIA, KOHEZGJATJA**

**NENI 2**

Formohet shoqëria tregëtare e emërtuar "**GlobAd**" sh.p.k. dhe me themelues z. Brian Selenica.

**NENI 3**

Shoqëria do të ketë statusin e një shoqërie me përgjegjësi të kufizuar dhe do të përballojnë humbjet deri në pjesën e pashlyer të kontributeve të tyre të nëshkruara për kapitalin.

**NENI 4**

Shoqëria e ka seline e saj në Tiranë, në Rr. "Abdi Toptani", Torre Drini, kati 13, apartamenti 132. Me miratim te organeve të saj kompetente ajo mund të ndryshojë seline. Mund të hapë degë, filiale, përfaqësi dhe agjenci operative në të gjithë territorin e R.SH apo jashtë saj.

## **NENI 5**

Shoqëria do të ketë kohëzgjatjen e veprimtarisë së saj me një afat të pa caktuar.

## **KREU III**

### **O B J E K T I**

## **NENI 6**

Objekti i veprimtarisë së shoqërisë është si mëposhtë:

- Realizimin e të gjitha aktiviteteve në fushën publicitare, të reklamave botimeve e medias;
- Ushtrimin e të gjitha veprimtarive në fushën e marketingut dhe marrëdhënieve me publikun;
- Realizimin e aktiviteteve në fushën e investimeve publike, në infrastrukturë dhe teknologji të lartë;
- Shoqëria mund të ndermarri çdo aktivitet tregtar, industrial ose financiar, çdo lloj transaksioni që lidhet me pasuri të luajtshme ose të paluajtshme, të cilën Shoqëria e konsideron të pershtatshme për arritjen e qëllimeve të saj. Import-eksport, tregëtim me shumicë dhe pakicë të mallrave industrials, elektrike, elektronike etj; tregëtimin e pasurive të luajtshme e të paluajtshme, shitblerjen e tokës, tregëtimin e mallrave të gatshëm e gjysmë të gatshme etj.

## **KAPITALI**

## **NENI 7**

Kapitali themeltar i shoqërisë është 100.000 lek dhe përbëhet nga 1 kuotë nga 100.000 Lekë, me kontributin e ortakut, që përben 100% të kapitalit.

Kapitali themeltar është tërësisht në para. Të gjitha kuotat e kapitalit themeltar janë nënshkruar dhe shlyer krejtësisht nga ortakut themelues.

Kapitali i shoqërisë mund të zmadhohet ose të zvogëlohet sipas vendimeve të asamblesë së ortakëve, por asnjherë nuk mund të zvogëlohet nën minimumin ligjor.

## NENI 8

### KUOTAT E KAPITALIT

Kuota e kapitalit të shoqërisë mund të zotërohet nga një ose më shumë persona.

Në rastin kur një kuotë e kapitalit të shoqërisë zotërohet nga më shumë se një person, në marrëdhënie me shoqërinë këta persona trajtohen si një ortak dhe të drejtat e tyre ushtrohen, nëpërmjet një përfaqësuesi të përbashkët. Këta persona përgjigjen personalisht dhe në mënyrë solidare për detyrimet që lindin nga zotërimi i kuotës.

Veprimet e shoqërisë ndaj kuotës së zotëruar nga më shumë se një person krijojnë pasoja ndaj të gjithë zotëruesve të saj edhe nëse veprimi i shoqërisë i drejtohet vetëm njërit prej zotëruesve.

Shoqëria mund të lëshojë një certifikatë për të vërtetuar zotërimin e kuotës së kapitalit. Kjo certifikatë lëshohet në emër të personit apo të personave, që zotërojnë kuotën dhe nuk përbën letër me vlerë.

## NENI 9

### MËNYRAT E FITIMIT DHE KALIMIT TË KUOTAVE

Kuotat e kapitalit të shoqërisë e të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;
- c) trashëgimisë;
- ç) dhurimit;
- d) çdo mënyrë tjetër të parashikuar me ligj.

Ortaku mund t'u shesë të tretëve kuotat e tij të kapitalit pjesërisht ose tërësisht, por pasi tua kenë ofruar për blerje ortakevë brenda shoqërisë me kushte jo më pak të favorshme nga ato që do j'u ofrohen të tretëve. Oferta u komunikohet me shkrim ortakëve të cilët kanë të drejtën e parablerjes, e drejtë të cilën duhet ta ushtrojnë brenda 30 ditëve nga data e komunikimit në të kundërt oferta konsiderohet e refuzuar prej ortakëve që gëzojnë këtë të drejtë.

Personi që kalon kuotën dhe ai që e fiton atë përgjigjen në mënyrë solidare ndaj shoqërisë për detyrimet që rrjedhin nga zotërimi i kuotës, nga çasti i kalimit të kuotave, deri në çastin e regjistrimit të kalimit në QKR. Kuotat janë të papjestueshme. Çdo kuotë jep të drejtën e një vote.

## KREU IV

### ORGANET E SHOQËRISË

#### NENI 10

Organet drejtuese të shoqërisë janë :

- Asambleja e përgjithshme
- Administratori

Fusha e veprimit, përbërja dhe mënyra e funksionimit të organeve drejtuese rregullohet si më poshtë.

### ASAMBLEJA E PERGJITHSHME

#### NENI 11

#### KOMPETENCAT

Asambleja e Përgjithshme është përgjegjëse për marrjen e vendimeve të çështjeve të mëposhtëme:

- a) përcaktimin e politikave tregtare të shoqërisë;
- b) ndryshimet e statutit;
- c) emërimin e shkarkimin e administratorit;
- ç) emërimin e shkarkimin i likuiduesve dhe të ekspertëve kontabël të autorizuar;
- d) përcaktimin e shpërblimeve për personat e përmendur në shkronjat "c" dhe "ç" të këtij neni;
- dh) mbikëqyrjen e zbatimit të politikave tregtare nga administratori, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- e) miratimin e pasqyrave financiare vjetore dhe të raporteve të ecurisë së veprimtarisë;
- ë) zmadhimin dhe zvogëlimin e kapitalit;
- f) pjesëtimin e kuotave dhe anulimin e tij;
- g) përfaqësimin e shoqërisë në gjykatë dhe në procedimet e tjera ndaj administratorëve;
- gj) riorganizimin dhe prishjen e shoqërisë;
- h) miratimin e rregullave procedurale të mbledhjeve të asamblesë;
- i) të kryejë detyra të tjera të parashikuara nga ligji.

## NENI 12

### MBLEDHJA E ASAMBLESE

Asambleja e përgjithshme është organi më i lartë vendimor. Ajo mbledhet sa herë që është e nevojshme për të mbrojtur interesat e shoqërisë si dhe për të gjitha rastet e parashikuara në nenin 82 të ligjit Nr.9901, datë 14.04.2008 për "Tregëtarët dhe Shoqëritë Tregëtare". Asambleja e përgjithshme thirret nga administratorët ose ortatakët. Mbledhja e zakonshme e asamblesë së përgjithëshme thirret të paktën një herë në vit.

## NENI 13

### THIRJA DHE VENDIMARRJA NË ASAMBLE

Asambleja e përgjithshme thirret nëpërmjet një njoftimi me shkresë. Njoftimi duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.

Kur asambleja e përgjithshme nuk është thirrur si më sipër, ajo mund të marrë vendime të vlefshme vetëm nëse të gjithë ortaket janë dakord, për të marrë vendime, pavarësisht parregullsisë.

Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortaket me të drejtë vote, që zotërojnë më shumë se 30 % të kuotave. Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar, ajo mund të marrë vendime të vlefshme vetëm nëse ortaket që zotërojnë më shumë se gjysmën e numrit total të votave janë të pranishëm.

Nëse asambleja e përgjithshme nuk mund të mbledhet për shkak të mungesës së kuorumit të përmendur më sipër, asambleja mbledhet përsëri jo më vonë se 30 ditë, me të njëjtin rend dite.

Asambleja e përgjithshme vendos me tri të katërtat e votave të ortakëve pjesëmarrës (shumicë e kualifikuar), për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë. Për çështjet e tjera të renditura në nenin 11 të këtij Statuti, asambleja e përgjithshme vendos me shumicën e votave të ortakëve pjesëmarrës.

Të gjitha vendimet e Asamblesë regjistrohen në procesverbal i cili përmban datën e vendin e mbledhjes, rendin e ditës, emrin e kryetarit e të mbajtësit të procesverbalit, rezultatet e votimit.

## ORGANI ADMINISTRATIV

### NENI 14

Administrator i parë i shoqërisë "GlobAd" sh.p.k. është z. Brian Selenica.

### NENI 15

#### KOMPETENCAT

Asambleja e Përgjithshme emëron administratorin e shoqërisë. Afati i emërimit është 5 vjet, me të drejtë rizgjedhje.

Administratori ka këto kompetenca:

a) të kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;

b) të përfaqësojë shoqërinë tregtare;

c) të kujdeset për mbajtjen e saktë e të rregullt të dokumenteve dhe të librave kontabël të shoqërisë;

ç) të përgatisi dhe nënshkruajë bilancin vjetor, bilancin e konsoliduar dhe raportin e ecuresë së veprimtarisë dhe, së bashku me propozimet për shpërndarjen e fitimeve, t'i paraqesi këto dokumente përpara asamblesë së përgjithshme për miratim;

d) të krijojë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;

dh) të kryejë regjistrimet dhe dërgoj të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;

e) të raportoj përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;

ë) kryejnë detyra të tjera të përcaktuara në ligj.

Administratori është kompetent edhe për të:

- realizuar mbledhjen e asamblesë duke njoftuar ortaku me shkrim jo më vonë se 7 ditë më parë;
- propozuar struktura e aparatit të shoqërisë;
- marrë në punë persona të ndryshëm dhe rregullimin e marrëdhënieve të punës me ta;
- propozuar rregullimin, krijimin dhe destinimin e fondeve të ndryshme.

Asambleja e përgjithshme mund të shkarkojë administratorin në çdo kohë me shumicë të zakonshme.

## KREU V

### PRISHJA E SHOQËRISË

#### NENI 16

Shoqëria "GlobAd" sh.p.k priset:

- a) me vendim të asamblesë së përgjithshme;
- b) me hapjen e procedurave të falimentimit;
- c) nëse nuk ka kryer veprimtari tregtare për dy vjet dhe nuk është njoftuar pezullimi i veprimtarisë në QKR;
- ç) me vendim të gjykatës;

Me përjashtim të rasteve kur është nisur një procedurë falimentimi, prishja e shoqërisë sjell hapjen e procedurave të likujdimit. Gjate fazes së likujdimit emrit të shoqërisë i shtohet pjesa "Ne likujdim" që shenohet në të gjitha dokumentet që shoqëria nxjerr gjate kesaj perjudhe.

Likujduesi i emeruar nga Asambleja e Përgjithëshme, kërkon çregjistrimn e shoqërisë pranë QKR, pas shpërndarjes së aktiveve të mbetura të shoqërisë.

## VITI FINANCIAR

#### NENI 17

Ne përputhje me ligjin shoqëria do të ketë një regjister në të cilën mbahen balance vjetore, raporte financiare vjetore dhe çdo kërkesë tjetër ligjore.

#### NENI 18

Viti financiar i shoqërisë fillon në 1 janar të çdo viti kalendatit dhe perfundon në 31 dhjetor të po këtij viti me përjashtim të vitit të regjistrimit ku viti financiar fillon në datën e regjistrimit të shoqërisë dhe perfundon në 31 dhjetor.

## DIVIDENTËT

#### NENI 19

Pas miratimit të bilancit vjetor dhe shpërndarjes së të ardhurave, Asambleja përcakton shumën që do të ndahet si dividente, bazuar në kuotat që zoteron çdo ortak.

## **PARASHIKIME PERFUNDIMTARE**

### **NENI 20**

#### **NENSHKRIMI I KAPITALIT TE ORTAKËVE**

Kapitali i ortakëve nenshkruhet dhe ekzekutohet ne perputhje me kuotat respektive te ortakëve te shoqerise.

### **NENI 21**

Shoqëria konsiderohet e krijuar në përputhje me nenet e këtij statuti, dhe aktit bashkëlidhur dhe fiton personalitetin juridik me regjistrimin ne Qendrën Kombëtare të Regjistrimit.

Shoqëria ka vulen e vete ne te cilen shkruhet emri i shoqerise sic e prashikon ligji.

Per ato qe nuk jane parashikuar ne kete statut zbatohen dispozitat e ligjit.

Statuti eshte hartuar ne 5 (pesë) kopje origjinale me te njejten fuqi ligjore.

### **ORTAKU**

**BRIAN SELENICA**



07. 15-10-2019